



სსიპ - განათლების ხარისხის განვითარების ეროვნული ცენტრი

ძრავიანი სატრანსპორტო საშუალებების გამარტივებული ელექტრონული ტენდერით შესყიდვის
სატენდერო დოკუმენტაცია

CPV - 34100000

სარჩევი

1. ინფორმაცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. აფიდავიტის საილუსტრაციო ფორმა (დანართი №1)
6. ტენდერში მონაწილის მიერ წარმოსადგენი ინფორმაცია (დანართი №2)
7. საბანკო გარანტიის ფორმა (დანართი №3)
8. ფასების ცხრილი (დანართი №4)

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში შესყიდვების პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ (შემდგომში - წესი) შესაბამისად (იხ.: [http://procurement.gov.ge/.](http://procurement.gov.ge/))

2. ტექნიკური დოკუმენტაცია

2.1. პრეტენდენტმა ერთიან ელექტრონულ სისტემაში უნდა ატვირთოს:

- ა) მონაცემები (რეკვიზიტები) ტენდერში მონაწილის შესახებ, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა პროცენტულად და მისი მოქმედების ვადა დანართი №2-ის შესაბამისად;
- ბ) დადასტურება, რომ იგი ეთანხმება სატენდერო დოკუმენტაციაში მოცემულ ყველა პირობას;
- გ) ფასების ცხრილი დანართი №4-ის შესაბამისად;
- დ) ინფორმაცია საგარანტიო ვადისა და პირობების შესახებ;
- ე) შესყიდვის ობიექტის საგარანტიო მომსახურების განმახორციელებელი სერვის ცენტრ(ებ)ის მისამართ(ებ)ი.

2.2. ანგარიშსწორების პირობები:

2.2.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან, განბაჟებასთან და საქართველოს კანონმდებლობით დადგენილი წესით რეგისტრაციასთან დაკავშირებული ყველა გადასახადის, მათ შორის დღგ-ს, გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

2.2.2. ანგარიშსწორება მოხდება უნაღდო ანგარიშსწორებით ლარებში;

2.2.3. ანგარიშსწორება მოხდება მიღება-ჩაბარების აქტის ან/და ანგარიშფაქტურის გაფორმებიდან არაუგვიანეს 10 (ათი) სამუშაო დღის განმავლობაში;

2.2.4. წინასწარი ანგარიშსწორება (ავანსი) არ გამოიყენება.

2.3. ხელშეკრულების უზრუნველყოფის საშუალებად გამოიყენება საბანკო გარანტია ხელშეკრულების საერთო ღირებულების 5%-ის ოდენობით, დანართი №3-ის მიხედვით, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული საქონლის მიწოდების ვადას.

2.4. შესყიდვის ობიექტის ტექნიკური დავალება:

2.4.1. შესყიდვის ობიექტია 4 (ოთხი) ერთეული ძრავიანი სატრანსპორტო საშუალება, აქედან - 2 ერთეული სედანი - „პროფესიული გადამზადების და პროფესიული ორიენტაციის ტრენინგების“ პროგრამის ფარგლებში, ხოლო 1 ერთეული სედანი და 1 ერთეული ჯიპი „სტუდენტური დასაქმება საზაფხულო არდადეგებზე“ პროგრამის ფარგლებში, რომლებიც უნდა აკმაყოფილებდნენ მინიმუმ შემდეგ პარამეტრებს:

№	დასახელება	აღწერილობა	რაოდენობა (ცალი)
„პროფესიული გადამზადების და პროფესიული ორიენტაციის ტრენინგების“ პროგრამის ფარგლებში			
1	მსუბუქი ავტომანქანა	კატეგორია - სედანი; გამოშვების წელი - 2011 ; საჭე - მარცხნივ; 6 სიჩქარიანი ავტომატური გადაცემათა კოლოფი; ძრავი: 1,800 სმ ³ , ბენზინი, 16 სარქველი; 4 ცილინდრი; ცხენის ძალა: 150; სიგრძე/სიგანე/სიმაღლე: 4,530X1,775X1,445; მაქსიმალური სიჩქარე: 180კმ/სთ; საწვავის ავზის მოცულობა: 50 ლ.; ABS; საჭის სიმაღლის და სიგრძის რეგულირება; საჭის ჰიდროგამაძლიერებელი; წინა ორი უსაფრთხოების ბალიში; გვერდითა უსაფრთხოების ბალიშები; განათების ავტომატური ჩართვა-გამორთვა; საბურავები 205/55 R 16; ალუმინის დისკები; სათადარიგო საბურავი; ტონირებული შუშები (საქართველოს კანონმდებლობით დადგენილი მოთხოვნების შესაბამისად); ელექტრო შუშები; პარკინგ კონტროლი; კარების გაღება პერსონალური კარტით; IPOD შესაერთებელი კაბელი; ტყავით გაწყობილი საჭე; ტყავის სალონი; წინა და უკანა სავარძლები გამათბობლით; ცენტრალური საკეტი დისტანციური მართვით; ღილაკით დაქოქვის ფუნქცია; უკანა ხედვის კამერა; კრუიზ კონტროლი; სალონის განათება; ელექტრო სარკეები გამათბობლით; ბორტ კომპიუტერი; მაგნიტოლა (რადიო + CD +MP3); ნისლის საწინააღმდეგო წინა ფარები; კლიმატ კონტროლი; წვიმის სენსორი; ოპტიკონული (ელექტრონული მაჩვენებლების) დაფა; გარბენი - მაქსიმუმ 50 კმ. ერთი ავტომანქანის ფერი - ვერცხლისფერი, ხოლო მეორე - ჰაიპერ მეტალიკი	2

„სტუდენტური დასაქმება საზაფხულო არდადეგებზე“ პროგრამის ფარგლებში			
1	მსუბუქი ავტომანქანა	კატეგორია - სედანი; გამოშვების წელი - 2011 ; საჭე - მარცხნივ; 6 სიჩქარიანი ავტომატური გადაცემათა კოლოფი საჭიდან გადართვის სისტემით; ძრავი: 2,400 სმ, ბენზინი, 16 სარქველი; 4 ცილინდრი; ცხენის ძალა: 178; სიგრძე/სიგანე/სიმაღლე: 4,820/1,835/1,470; მაქსიმალური სიჩქარე: 200კმ/სთ; საწვავის ავზის მოცულობა: 70 ლ.; ABS; ESC; ორი უსაფრთხოების ბალიში; ფარდა ბალიშები; გვერდითა უსაფრთხოების ბალიშები; საჭის სიმაღლის და სიგრძის რეგულირება; საჭის ჰიდროგამაძლიერებელი; ცენტრალური საკეტი დისტანციური მართვით; საბურავები: 215/55R17; ალუმინის დისკები; სათადარიგო საბურავი; ელექტრო სარკეები გამათბობლით და გვერდითა მოხვევის მაჩვენებლით; შუშების ელექტრო რეგულირება; ტონირებული შუშები (საქართველოს კანონმდებლობით დადგენილი მოთხოვნების შესაბამისად); ტყავით გაწყობილი საჭე; ტყავის სალონი; წინა ელექტრო რეგულირებადი სავარძლები მახსოვრობის ფუნქციით; ღილაკით დაქოქვის ფუნქცია; ქსენონის ფარები სიმაღლის ავტომატური რეგულირებით; ნისლის საწინააღმდეგო წინა ფარები; განათების ავტომატური ჩართვა-გამორთვა; პანორამული სახურავი ელექტრო მართვით; კრუიზ კონტროლი; წინა და უკანა სავარძლების გამათბობელი; წვიმის სენსორი; ულტრაიისფერი სხივების გაუმტარი შუშები; საქარე მინის გათბობა; მაგნიტოლა (რადიო +CD +MP3); მაგნიტოლას მართვა საჭიდან; USB კაბელი; ხმის გამაძლიერებელი; კლიმატ კონტროლი; პარკტრონიკი; ბორტ კომპიუტერი; საჭიდან სიჩქარეების გადასართავი; უკანა ხედვის კამერა; 7 დიუმიანი სენსორული ეკრანი, ნავიგაციით; გარბენი - მაქსიმუმ 50 კმ. ავტომანქანის ფერი - ჰაიპერ მეტალიკი	1
2	ჯიპი	კატეგორია - ჯიპი; გამოშვების წელი - 2011; საჭე - მარცხნივ; 6 სიჩქარიანი ავტომატური გადაცემათა კოლოფი; ძრავი: 2.359 სმ ³ , ბენზინი 16 სარქველი; 4 ცილინდრი DOHC; ცხენის ძალა: 177; სიგრძე/სიგანე/სიმაღლე: 4410X1820X1685; მაქსიმალური სიჩქარე: 190კმ/სთ; საწვავის ავზის მოცულობა: 55 ლ.; ABS; ESP; ორი უსაფრთხოების ბალიში; ფარდა ბალიშები; გვერდითა უსაფრთხოების ბალიშები; საჭის ჰიდროგამაძლიერებელი; საჭიდან აუდიოსისტემის ავტომატური მართვა; საჭის სიმაღლის და სიგრძის რეგულირება; ცენტრალური საკეტი; ელექტრო რეგულირებადი შუშები; ელექტრო სარკეები გამათბობლით; ელექტრო დასაკეცი სარკეები; ტონირებული შუშები (საქართველოს კანონმდებლობით დადგენილი მოთხოვნების შესაბამისად); სახურავის საბარგულის რეილინგები; უკანა შუშის გამწმენდი და გამრეცხი; ნისლის საწინააღმდეგო წინა ფარები; ალუმინის დისკები; საბურავები: 225/60R17; მეტალის ფაქტურით გაწყობილი სალონი; ბორტ კომპიუტერი; განათების ავტომატური ჩართვა-გამორთვა; კლიმატ კონტროლი; მაგნიტოლა: 7 inch touch screen display with GPS Navigation, Bluetooth and Audio (Radio + CD + MP3); უკანა ხედვის კამერა; სალონის განათება; წინა სავარძლების გამათბობელი; ტყავით გაწყობილი საჭე; კრუიზ კონტროლი; მძღოლის სავარძლის სიმაღლის რეგულირება; ელექტრო რეგულირებადი მძღოლის სავარძელი; წინა სავარძლების გამათბობელი; ტყავის სალონი; ბამპერი მანქანის ფერში; IPOD კაბელი; ძრავის დაქოქვის და გათიშვის ღილაკი; ბადე საბარგულში; პანორამული სახურავი; გარბენი - მაქსიმუმ 50 კმ. ავტომანქანის ფერი - თეთრი	1

2.4.2. შესყიდვის ობიექტებზე უნდა ვრცელდებოდეს მინიმუმ 5 წლიანი ულიმიტო (შეუზღუდავი გარბენით) გარანტია;

2.4.3. გარანტია უნდა ვრცელდებოდეს ავტომანქანების ქარხნულ წუნზე (დეფექტი), ავტომანქანების ნაწილებზე (მხედველობაში არ მიიღება ბუნებრივი ცვეთა), ძრავზე, ტრანსმისიასა და ელქტრობაზე. საგარანტიო ვადის განმავლობაში მიმწოდებელმა უნდა უზრუნველყოს შესყიდვის ობიექტის შეკეთება ნაკლის მქონე ნაწილის შეკეთების/შეცვლის გზით შეტყობინების მიღებისთანავე, ხოლო თუ შესყიდვის ობიექტი შეკეთებას არ ექვემდებარება, მიმწოდებელმა უნდა შეცვალოს ის 1 (ერთი) თვის განმავლობაში. შესყიდვის ობიექტის შეკეთება/შეცვლა უნდა განხორციელდეს შემსყიდველის მხრიდან რაიმე დამატებითი ხარჯის გაწევის გარეშე;

2.4.4. მიმწოდებელმა უნდა უზრუნველყოს შესყიდვის ობიექტის განბაჟება, შემსყიდველის სახელზე რეგისტრაცია და შემსყიდველისთვის შესყიდვის ობიექტის მიწოდება ხელშეკრულების გაფორმებიდან 15 (თხუთმეტი) სამუშაო დღის ვადაში. შემსყიდველის მისამართზე (ქ. თბილისი მ. ალექსიძის ქ. №1).

საქონლის განბაჟებასთან, საქართველოს კანონმდებლობით დადგენილი წესით რეგისტრაციასთან და მიწოდებასთან დაკავშირებული ხარჯები გათვალისწინებული უნდა იქნეს პრეტენდენტის მიერ წარმოდგენილ სატენდერო წინადადების ფასში;

2.4.5. შესყიდვის სავარაუდო ღირებულება: 157 000 (ასორმოცდრვიდმეტი ათასი) ლარი;

2.4.6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

შენიშვნა:

ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი არის სახელმწიფო შესყიდვის შესახებ ხელშეკრულების პროექტი, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება შეიძლება პრეტენდენტთან ხელშეკრულების გაფორმების პროცესში

ქ.თბილისი

2012 წელი

ერთის მხრივ, სსიპ - განათლების ხარისხის განვითარების ეროვნული ცენტრი (შემდგომში - შემსყიდველი), წარმოდგენილი მისი დირექტორის მოადგილის, პეტრე წურჭუმიას სახით და მეორეს მხრივ, _____ (შემდგომში - მიმწოდებელი) წარმოდგენილი -----სახით, სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით ვდებთ სახელმწიფო შესყიდვის შესახებ წინამდებარე ხელშეკრულებას

მუხლი 1. ტერმინთა განმარტებები

1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.

1.2. შემსყიდველი - ორგანიზაცია, რომელიც ახორციელებს შესყიდვას.

1.3. მიმწოდებელი - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.5. დღე, კვირა, თვე - კალენდარული დღე, კვირა, თვე.

1.6. ფორსმაჟორი - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2. ხელშეკრულების საგანი

2.1. ხელშეკრულების საგანია, შემსყიდველის 2012 წლის სახელმწიფო ბიუჯეტის ასიგნებების ფარგლებში, ძრავიანი სატრანსპორტო საშუალებების (CPV – 34100000, სატენდერო განცხადების ნომერი -----) შესყიდვა ამ ხელშეკრულებით გათვალისწინებული ანაზღაურების სანაცვლოდ.

2.2. ხელშეკრულებით გათვალისწინებული საგნის აღწერა მოცემულია დანართ №1-ში, რომელიც წარმოადგენს ხელშეკრულების განუყოფელ ნაწილს.

მუხლი 3. ხელშეკრულების საგნის ღირებულება

3.1. ხელშეკრულების საგნის საერთო ღირებულება შეადგენს _____ ლარს.

3.2. ხელშეკრულების საგნის საერთო ღირებულება მოიცავს შესყიდვის ობიექტის განბაჟებასთან, საქართველოს კანონმდებლობით დადგენილი წესით რეგისტრაციასთან და მიწოდებასთან დაკავშირებულ ანაზღაურებას საქართველოს კანონმდებლობით გათვალისწინებული ყველა სახის გადასახადისა და მოსაკრებლის ჩათვლით.

მუხლი 4. მიღება-ჩაბარება და ანგარიშსწორება

4.1. შესყიდვის ობიექტის მიღება დასტურდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტით ან/და ანგარიშგაქტურით. შემსყიდველის მხრიდან მიღება-ჩაბარების აქტისა და ანგარიშგაქტურის ხელმოწერაზე უფლებამოსილია წინამდებარე ხელშეკრულების 7.1 პუნქტში მითითებული პირი.

4.2. მიღება-ჩაბარების აქტის ან/და ანგარიშგაქტურის ხელმოწერასთან ერთად, მიმწოდებელი

ვალდებულია, წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

4.3. მიმწოდებელთან ანგარიშსწორება ხდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.

4.4. ანგარიშსწორება განხორციელდება საქონლის მიღება-ჩაბარების აქტის ან/და ანგარიშფაქტურის გაფორმებიდან 10 (ათი) სამუშაო დღის განმავლობაში.

მუხლი 5. შესყიდვის ობიექტის მიწოდების ადგილი და ვადა

მიმწოდებელი შესყიდვის ობიექტის მიწოდებას უზრუნველყოფს ხელშეკრულების დადებიდან 15 (თხუთმეტი) სამუშაო დღის ვადაში შემსყიდველის მისამართზე (ქ. თბილისი მ. ალექსიძის ქ. №1).

მუხლი 6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები.

6.2. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულებები;

ბ) გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

მუხლი 7. ხელშეკრულების ინსპექტირების პირობები

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს სსიპ - განათლების ხარისხის განვითარების ეროვნული ცენტრის ადმინისტრაციის (სამსახური) უფროსი ან ამავე სამსახურის ეკონომიკური სამმართველოს უფროსი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე შესყიდული შესყიდვის ობიექტის ხარისხის შემოწმებას.

7.3. მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4. ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 8. პირგასამტეხლო

8.1. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 1%-ის ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 1%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ნაწილის 0.5%-ის ოდენობით.

8.2. იმ შემთხვევაში, თუ დაკისრებული პირგასამტეხლოს საერთო ოდენობა გადააჭარბებს ხელშეკრულების საერთო ღირებულების 10 (ათი) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

მუხლი 9. გარანტია

9.1. საგარანტო ვადის განმავლობაში მიმწოდებელი ვალდებულია საკუთარი ხარჯებით

უზრუნველყოს ექსპლუატაციის პროცესში წარმოქმნილი ისეთი ხარვეზების აღმოფხვრა, რაც დაკავშირებული იქნება ხელშეკრულების საგნის ხარისხთან.

9.2. მიმწოდებელმა უნდა უზრუნველყოს შესყიდვის ობიექტის შეკეთება ნაკლის მქონე ნაწილის შეკეთების/შეცვლის გზით შეტყობინების მიღებისთანავე, ხოლო თუ შესყიდვის ობიექტი შეკეთებას არ ექვემდებარება, მიმწოდებელმა უნდა შეცვალოს ის 1 (ერთი) თვის განმავლობაში.

9.3. მიმწოდებლის მიერ 9.2. პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯების ანაზღაურება.

მუხლი 10. ფორსმაჟორი

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორსმაჟორით.

10.2. თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

მუხლი 11. სუბკონტრაქტორები

11.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის ან შეცვლის შესახებ (სუბკონტრაქტორის აყვანის აუცილებლობის მიზეზების დასაბუთებით). სუბკონტრაქტორ(ებ)ის დასაშვებობის საკითხს წყვეტენ შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

11.2. ამ ხელშეკრულების ფარგლებში ყველა სუბკონტრაქტორთან დადებული ხელშეკრულების ასლი უნდა წარედგინოს შემსყიდველს.

11.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 12. ხელშეკრულების შესრულების გარანტია

12.1. ხელშეკრულების შესრულების უზრუნველსაყოფად გამოიყენება საბანკო გარანტია, ხელშეკრულების საერთო ღირებულების 5%-ის ოდენობით. მისი მოქმედების ვადა 30 დღით უნდა აღემატებოდეს საქონლის მიწოდების საბოლოო ვადას.

12.2. საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულების შეუსრულებლობის ან არაჯეროვანი შესრულების დროს.

12.3. საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მიმწოდებელს მხარეთა შორის ხელშეკრულების საგნის შესახებ მიღება-ჩაბარების აქტის ან/და ანგარიშფაქტურის გაფორმებიდან 5 (ხუთი) დღის ვადაში.

12.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია, მიმწოდებლის მოთხოვნისთანავე დაუბრუნოს მას საბანკო გარანტია.

მუხლი 13. ხელშეკრულებაში ცვლილების შეტანა და ხელშეკრულების შეწყვეტა

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13.3. ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) საქართველოს კანონმდებლობით გათვალისწინებულ სხვა შემთხვევებში.

მუხლი 14. დავები, მათი გადაწყვეტის წესი და გამოსაყენებელი სამართალი

14.1. ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14.2. ხელშეკრულება დადებულია საქართველოს კანონმდებლობის შესაბამისად და მისი დებულებები განიმარტება საქართველოს კანონმდებლობის მიხედვით.

მუხლი 15. შეტყობინება

15.1. ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით, ორიგინალის შემდგომი წარმოდგენით.

15.2. შეტყობინება ძალაში შედის ადრესატის მიერ მისი მიღების დღეს.

მუხლი 16. გადასახადები და დაბეგვრა

16.1. უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლის და სხვა გადასახადების გადახდაზე, რომლებიც გადასახდელია საქართველოს ფარგლებში და მის გარეთ.

16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულების პირობებით სხვა რამ არ არის გათვალისწინებული.

მუხლი 17. ხელშეკრულების ენა

ხელშეკრულება შედგენილია ქართულ ენაზე ორ ეგზემპლარად. ერთი ეგზემპლარი ინახება მიმწოდებელთან, ერთი - შემსყიდველთან. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. განმარტებისას უპირატესობა ენიჭება ქართულ ენაზე შედგენილ ხელშეკრულებას.

მუხლი 18. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2012 წლის 31 დეკემბრამდე.

მუხლი 19. სხვა პირობები

19.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, თანხებით და რისკით.

19.3 მიმწოდებლის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

მხარეთა რეკვიზიტები:

სატენდერო დოკუმენტაციის შესახებ დამატებითი ინფორმაციის და განმარტებებისათვის
მიმართეთ სატენდერო კომისიის აპარატს. საკონტაქტო პირები: ედიშერ ჩუბინიძე - 577 27 88 64;
ნინო ჯინჭარაძე - 577 24 35 34

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

☐ სატენდერო წინადადების ფასი;

☐ სატენდერო წინადადების ფასის გამოთვლის მეთოდი, კოეფიციენტი ან ფორმულა;

☐ სატენდერო წინადადების წარდგენა ან წარდგენისგან თავის შეკავება;

☐ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

☐ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

☐ ჭავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების

დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლისსამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

ტენდერში მონაწილის მიერ წარმოსადგენი ინფორმაცია

1. მონაცემები ტენდერში მონაწილის შესახებ:

1.1 იურიდიული პირებისათვის:

- ა) იურიდიული პირის სახელწოდება და სამართლებრივი ფორმა;
- ბ) ხელმძღვანელის სახელი და გვარი;
- გ) მისამართი (იურიდიული/ფაქტიური);
- დ) საიდენტიფიკაციო კოდი;
- ე) ტელეფონის ნომერი, ელ.ფოსტის მისამართი;
- ვ) ბანკის კოდი, ანგარიშსწორების ნომერი.

1.2. ფიზიკური პირებისათვის:

- ა) სახელი და გვარი;
- ბ) მისამართი (რეგისტრაციის/ფაქტიური);
- გ) ბანკის კოდი, ანგარიშსწორების ნომერი.

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

3. ხელშეკრულების უზრუნველყოფის საბანკო გარანტიის ოდენობა პროცენტულად და ინფორმაცია მისი მოქმედების ვადის შესახებ:

ხელშეკრულების შესრულების საგარანტიო უზრუნველყოფა
(საბანკო გარანტია)

ვის:

(შემსყიდველის დასახელება)
მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი
თავისი

სატენდერო წინადადების შესაბამისად იკისრა ვალდებულება წარმოადგინოს საბანკო
გარანტია მასზე დაკისრებული ვალდებულებების შესრულების გარანტიის სახით ხელშეკრულებაში
მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული
გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს
წინაშე მიმწოდებლის სახელით საერთო თანხაზე:

_____ (თანხა ციფრობრივად, სიტყვიერად,
ვალუტის მითითებით)

და ვკისრულობთ ზემოაღნიშნული თანხის გადახდას მიმწოდებლის მიერ ხელშეკრულების
პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ფასების ცხრილი

პრეტენდენტის დასახელება.....

N	საქონლის დასახელება (მწარმოებელი, ფირმა და მოდელი)	საქონლის ძირითადი მახასიათებლები	რაოდენობა (ცალი)	გარანტია	ერთეულის ფასი	საერთო ფასი
„პროფესიული გადამზადების და პროფესიული ორიენტაციის ტრეინინგების“ პროგრამის ფარგლებში						
1	მსუბუქი ავტომანქანა		2	არანაკლებ 5 წელი ულიმიტო (შეუზღუდავი გარბენით)		

N	საქონლის დასახელება (მწარმოებელი, ფირმა და მოდელი)	საქონლის ძირითადი მახასიათებლები	რაოდენობა (ცალი)	გარანტია	ერთეულის ფასი	საერთო ფასი
„სტუდენტური დასაქმება საზაფხულო არდადეგებზე“ პროგრამის ფარგლებში						
1	მსუბუქი ავტომანქანა		1	არანაკლებ 5 წელი ულიმიტო (შეუზღუდავი გარბენით)		
2	ჯიპი		1	არანაკლებ 5 წელი ულიმიტო (შეუზღუდავი გარბენით)		

შენიშვნა: შესყიდვის ობიექტის საერთო და ერთეულის ფასი გამოსახული უნდა იყოს განბაჟებასთან, საქართველოს კანონმდებლობით დადგენილი წესით რეგისტრაციასთან და მიწოდებასთან დაკავშირებული ყველა გადასახადის, მათ შორის დღგ-ს, გათვალისწინებით.

პრეტენდენტის ხელმოწერა

ბ.ა.